



Projekat: Razvoj pouzdanih i funkcionalnih policijskih sistema, jačanje borbe protiv glavnih kriminalnih aktivnosti i jačanje policijske suradnje (CARPO projekat)

Fokus: Jačanje policijskih kapaciteta za borbu protiv teškog kriminala u Jugoistočnoj Evropi

Sastanak ministara unutarnjih poslova i visokih dužnosnika iz Jugoistočne Evrope o Regionalnoj strategiji o sredstvima za borbu protiv organiziranog i privrednog kriminala

(Brijuni, Republika Hrvatska, 23. septembar/rujan 2005. godine)

UVOD I OBJAŠNJENJE

Države Jugoistočne Evrope su postigle značajan napredak proteklih godina u pristupanju evropskim i drugim međunarodnim instrumentima, prilagođavajući svoje krivično zakonodavstvo, osnivajući specijalizirane institucije za privredni kriminal, pranje novca, korupciju i organizirani kriminal, i usvajajući politike i strategije u nekim od ovih oblasti.

Razmatrajući prekogranične i transnacionalne posljedice organiziranog i privrednog kriminala, mjere koje se preduzimaju na državnim nivoima trebaju biti dopunjene sa regionalnim i međunarodnim strategijama. Države Jugoistočne Evrope su ovo prepoznale i učestvovala su u regionalnim inicijativama i programima o organiziranom kriminalu i korupciji već neko vrijeme. Međutim, regionalna i međunarodna dimenzija treba da budu dodatno pojačane. Usvajanje regionalne strategije o sredstvima za borbu protiv organiziranog i privrednog kriminala stoga predstavlja važnu dodatnu korist.

Elaboriranje strategije je podržano putem zajedničkog projekta Evropske komisije i Vijeća Evrope – CARPO projekta i odnosi se na slijedeće sektore:

- Krivične analize i krivično obavještajni rad
- Finansijske istrage i oduzimanje bespravno stečene imovine
- Posebne istražne radnje
- Zaštita svjedoka
- Suradnja u krivičnopravnim stvarima.

Strategije koje su do sada napravljene za svaki od ovih sektora posebno, sada treba da se objedine u jednu konsolidiranu regionalnu strategiju.

CARPO projekat je omogućio svim državama iz Jugoistočne Evrope koje učestvuju u projektu (Albanija, Bosna i Hercegovina, Hrvatska, Srbija i Crna Gora “Bivša Jugoslovenska Republika Makedonija”), koje su članice Vijeća Evrope i koje nastoje da se približe Evropskoj uniji, da definiraju zajedničke kriterije za postizanje napredka u pravcu postizanja standarda Evropske unije i Vijeća Evrope.

CILJ

Sastanak ministara unutarnjih poslova i visokih dužnosnika na Brijunima ima za cilj procjenu postignutog napredka u borbi protiv organiziranog kriminala u Jugoistočnoj Evropi, kao i razmatranje Regionalne strategije o sredstvima za borbu protiv organiziranog i privrednog kriminala, koju su pripremili dužnosnici država učesnica u okviru CARPO projekta. Ova regionalna strategija će obezbijediti kompatibilan pristup i zajedničke aktivnosti u Jugoistočnoj Evropi i zasniva se na:

- Izvještaju o stanju organiziranog i privrednog kriminala,
- Zajedničkim kriterijima za dostizanje standarda Evropske unije i Vijeća Evrope prema kojima će se moći mjeriti napredak svake države,
- Sektorskim strategijama o krivičnim analizama i krivično-obavještajnom radu, finansijskim istragama i oduzimanju bespravno stečene imovine, posebnim istražnim radnjama, zaštiti svjedoka, i suradnji u krivičnopravnim stvarima,
- Već postojećim državnim strategijama.

SASTANAK

Sastanak će biti podijeljen u dva dijela:

- 22. septembar/rujan: sastanak na nivou eksperata u cilju finaliziranja Regionalne strategije i Zajedničke deklaracije,
- 23. septembar/rujan: sastanak ministara unutarnjih poslova i visokih dužnosnika iz Jugoistočne Evrope o Regionalnoj strategiji o sredstvima za borbu protiv organiziranog i privrednog kriminala.

OČEKIVANI REZULTATI

Sastanak ministara unutarnjih poslova i visokih dužnosnika trebao bi voditi do postizanja sporazuma o sveobuhvatnoj i legitimnoj Regionalnoj strategiji o sredstvima za borbu protiv organiziranog i privrednog kriminala, koja će poslužiti kao osnova za specifične akcijske planove za svaku državu i područje. Ministri unutarnjih poslova i visoki dužnosnici će također imati priliku da usvoje Zajedničku deklaraciju.

UČESNICI

Ministri unutarnjih poslova i visoki dužnosnici iz centralnih, pravosudnih i agencija za provođenje zakona, koje su nadležne za pitanja organiziranog i privrednog kriminala iz Albanije, Bosne i Hercegovine, Hrvatske, Srbije i Crne Gore, “Bivše Jugoslovenske Republike Makedonije” i UNMIK-a.

Predstavnici radnih grupa iz država i područja učesnica u projektu.

Predstavnici Vijeća Evrope, Evropske komisije, te konzorcijum partneri projekta: Belgija, Finska, Mađarska, Italija, Slovenija, Španija, Švedska, te Međunarodna organizacija za migracije (IOM).

Posmatrači: Europol, Eurojust, OSCE misija u Hrvatskoj, SPOC i UNODC.

Očekivani ukupan broj učesnika je oko 100 osoba.

ZA DODATNE INFORMACIJE MOŽETE KONTAKTIRATI:

Council of Europe, DG I – Legal Affairs, Department of Crime Problems:

☎ Jean-Charles de Cordes

Tel. + 33-3-9021-5305 - Fax + 33-3-8841-2052 - ✉: jean-charles.decordes@coe.int

☎ Livia Stoica -Becht

Tel. + 33-3-9021-4260 - Fax + 33-3-8841-2052 - ✉: livia.stoica@coe.int

U Hrvatskoj :

☎ Tamara Karaica

Tel. +385-1-4816-887 - Fax +385-1-4816-879 - ✉: tamara.karaica@coe.int